

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“ broj 7/10), Zakona o izvršenju Budžeta Zeničko-dobojskog kantona za 2013. godinu („Službene novine Zeničko-dobojskog kantona“ broj 19/12), Zaključka o usvajanju Programa utroška sredstava Budžeta Zeničko-dobojskog kantona za poticaje u poljoprivredi u 2013. godini, broj: 02-14-21976/13 od 17.10.2013. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 136. sjednici, održanoj dana 21.11.2013. godine donosi

ZAKLJUČAK

I.

Daje se saglasnost na Uputstvo o poticanju poljoprivredne proizvodnje za 2013. godinu.

II.

Zadužuje se Ministarstvo za poljoprivredu, šumarstvo i vodoprivredu da u skladu sa iznesenom diskusijom na sjednici Vlade, koriguje Uputstvo iz tačke I. ovog zaključka i dostavi Stručnoj službi Vlade, jer isto čini sastavni dio ovog zaključka.

III.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/13.
Datum, 21.11.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvu za poljoprivredu šumarstvo i vodoprivredu,
1x Ministarstvu finansija,
1x a/a.

Na osnovu Programa utroška sredstava Budžeta za poticaje u poljoprivredi u 2013. godini , koji je Vlada Zeničko-dobojskog kantona usvojila Zaključkom broj: 02-14-21976/13 od 17. 10. 2013.godine, Ministar Ministarstva za poljoprivredu, šumarstvo i vodoprivredu donosi:

U P U T S T V O

O POTICANJU POLJOPRIVREDNE PROIZVODNJE

Ovim uputstvom propisuju se uslovi koje moraju ispuniti fizička i pravna lica za ostvarivanje prava na poticaje u poljoprivrednoj proizvodnji, te vrste i obim poljoprivredne proizvodnje koja se potiče iz sredstava budžeta Kantona za 2013. godinu.

A/ Podrška poljoprivrednoj proizvodnji

A/1 Animalna proizvodnja

- Premija za uzgoj brojlera,
- Podrška za držanje pčelinjih zajednica.

A/2 Biljna proizvodnja

- Premija za proizvodnju povrća u plastenicima i staklenicima,
- Premija za proizvodnju američke borovnice i aronije,
- Premija za proizvodnju gljiva,
- Premija za zasnivanje novih zasada maline, kupine, američke borovnice i aronije,
- Premija za zasnivanje novih zasada voća – visokostablašica.

B/ Podrška otkupljivačima poljoprivrednih proizvoda

- Premija otkupljivačima svježeg kravljeg mlijeka,
- Premija otkupljivačima svježeg voća i povrća,
- Premija otkupljivačima nekultivisanih šumskih plodova, bobičastog voća i nekultivisanih gljiva,
- Premija otkupljivačima jagodičastog voća.

C/ Podrška kapitalnim ulaganjima

Podrška poljoprivrednim proizvođačima za investicije u poljoprivrednoj proizvodnji u funkciji proizvodnje hrane na području Zeničko – dobojskog kantona.

D/ Podrška projekata

- Medijsko predstavljanje domaće poljoprivredne proizvodnje,
- Podrška radu i aktivnostima organizacijama poljoprivrednika,
- Finansiranje medija, edukativnog i propagadnog materijala iz oblasti poljoprivrede.

E/ Rezerve

Rezerve – nepredviđeni zahtjevi

OPĆE ODREDBE

Ako nije drugačije određeno u posebnim odredbama ovoga uputstva, svi zahtjevi za podršku podnose se putem općinskih službi nadležnih za poslove iz oblasti poljoprivrede.

Ovo Uputstvo primjenjuje se na proizvodnju za definisanu Programom za 2013. godinu, ako nije drugačije određeno posebnim odredbama.

Svaki zahtjev mora sadržavati:

- ime i prezime podnosioca zahtjeva,
- datum rođenja,
- JMBG ili ID za pravna lica,
- tačnu adresu ili sjedište,
- naziv banke i naziv poslovnice u kojoj podnosilac zahtjeva ima otvoren račun,
- broj vlastitog računa uz priloženu potvrdu ili ugovor o otvaranju računa kod banke,
- kontakt telefon (fiksni ili mobilni)
- potpis od strane podnosioca zahtjeva,
- datum podnošenja zahtjeva,
- podatke o vrsti i količini proizvodnje koja se kandidira za dodjelu poticaja.

Oblik i sadržaj obrazaca potrebnih za aplikaciju zahtjeva propisuje Kantonalno ministarstvo.

Općinska služba nadležna za poslove poljoprivrede dužna je provjeriti ispravnost i kompletnost dokumentacije, te poduzeti aktivnosti u svrhu eventualnih ispravljanja nepravilno popunjenih zahtjeva, ili upotpunjavanja nekompletne dokumentacije.

Ukoliko zahtjev, koji je dostavljen Ministarstvu za poljoprivredu, šumarstvo i vodoprivredu, sadrži nepotpunu dokumentaciju, ili je obrazac zahtjeva popunjen bez obvezujućih podataka, isti će se smatrati neispravnim.

Kantonalni poticaj ne mogu ostvariti pravna i fizička lica koja prema podacima Ministarstva za poljoprivredu, šumarstvo i vodoprivredu, po bilo kojem osnovu imaju neizmereni obaveza prema Kantonu i Federaciji BiH.

Kantonalni poticaj ne mogu ostvariti pravna i fizička lica koja nisu dostavila potvrdu o upisu u Registar poljoprivrednih gazdinstava ili Registar klijenata od općinske službe prema mjestu prebivališta (fizička lica) ili prema sjedištu (pravna lica).

Pravo na ostvarenje podrške imaju korisnici koji su ostvarili poljoprivrednu proizvodnju ili poljoprivrednu djelatnost na teritoriji Zeničko-dobojskog kantona i imaju stalno mjesto prebivališta, odnosno za pravna lica sjedište na području Zeničko-dobojskog kantona.

Aplikanti podnose zahtjeve za ostvarivanje prava na poticaje iz Programa za 2013. na Protokolu Vlade ZDK.

Rok za predaju zahtjeva je 05 12. 2013. godine.

POSEBNE ODREDBE

A/1 ANIMALNA PROIZVODNJA

I

UZGOJ BROJLERA

Pravo na premiju za uzgoj brojlera imaju uzgajivači koji na teritoriji Zeničko-dobojskog kantona u vlastitom ili zakupljenom objektu imaju registriranu djelatnost za proizvodnju brojlera, te usele najmanje 5.000 komada brojlera u turnusu i imaju zasnovan kooperantski odnos sa registriranim otkupljivačem brojlera.

Turnus brojlera podrazumijeva jednovremeni početak i jednovremeni završetak tova jedinki iste starosne dobi.

Podnosilac zahtjeva mora biti ujedno vlasnik proizvodnih objekata ili potpisnik Ugovora o zakupu objekta, te priložiti dokaz da nije evidentiran kao nezaposleno lice kod zavoda za zapošljavanje.

Premija za 2013. godinu obračunava se na osnovu broja utovljenih-plasiranih brojlera u zadnjem turnusu.

Datum nabavke/plasmana brojlera prema računu/otpremnicu, ili nekom drugom dokumentu koji dokazuje zaduženja/plasman brojlera, smatra se početkom/završetkom proizvodnje.

Iznos premije je 0,08 KM/brojler za registrovane farme.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

- 1. Zahtjev taksiran sa 3 KM kantonalne administrativne takse sa naznačenim datumom početka turnusa i brojem jedinki u turnusu**
- 2. Dokaz o nabavci brojlera za tov od registriranog proizvođača**
- 3. Ugovor o utvrđenom plasmanu brojlera pravnom licu registriranom za preradu brojlerskog mesa**
- 4. Dokaz o vlasništvu objekta ili Ugovor o zakupu objekta za tov**
- 5. Račun ili otkupni blok o plasmanu brojlera**
- 6. Ovjerena kopija obavještenja o ID broju**
- 7. Dokaz o registraciji djelatnosti za pravna lica**
- 8. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica)**

II

PODRŠKA ZA DRŽANJE PČELINJIH ZAJEDNICA

Pravo na podršku imaju uzgajivači pčela koji su vlasnici minimalno 20 pčelinjih društava. Pravo na podršku imaju samo uzgajivači pčela koji su članovi udruženja pčelara, a koje je član Kantonalnog saveza pčelara ZDK, uz sve izmirene obaveze prema udruženju u zadnje tri (3) godine. To dokazuju potvrdom udruženja pčelara čiji su član.

Obrazac potvrde je jedinstven i propisan je u Ministarstvu za poljoprivredu, šumarstvo i vodoprivredu Zeničko-dobojskog kantona, te se isti od strane udruženja može podići u Ministarstvu.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u originalu ili ovjerenoj kopiji slijedeću dokumentaciju:

1. **Zahtjev taksiran sa 3 KM kantonalne administrativne takse**
2. **Dokaz (potvrdu) o posjedovanju pčelinjih zajednica**
3. **Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica).**

A/2 BILJNA PROIZVODNJA

III **PROIZVODNJA POVRĆA U PLASTENICIMA I STAKLENICIMA**

Podrška za proizvodnju povrća u plastenicima i staklenicima dijeli se u dvije kategorije:

1. korisnici koji su registrovani za samostalnu poljoprivrednu djelatnost-osnovna djelatnost (fizička lica) – 5KM/m² i minimalno 500m² zaštićenog prostora;
2. korisnici koji nisu registrovani za samostalnu poljoprivrednu djelatnost i pravna lica – 2KM/m² i minimalno 400m² zaštićenog prostora

Podršku mogu ostvariti proizvođači povrća u plastenicima i/ili staklenicima sa područja Zeničko-dobojskog kantona. Plastenici, odnosno staklenici koji su predmet ove podrške, moraju biti na području Zeničko- dobojskog kantona.

Aplikanti mogu ostvariti maksimalni novčani iznos podrške za utvrđenu proizvodnju u zaštićenom prostoru i to: za korisnike definisane pod tačkom 1. (registrovani za samostalnu poljoprivrednu djelatnost-osnovna djelatnost) do 3.500,00 KM i korisnike pod tačkom 2. (registrovani za samostalnu poljoprivrednu djelatnost i pravna lica) do 1.000,00 KM.

Korisnici koji su registrovani za samostalnu poljoprivrednu djelatnost-osnovna djelatnost (fizička lica)

Pravo na ostvarivanje podrške mogu ostvariti aplikanti koji ispunjavaju slijedeće uslove:

- U plasteniku ili stakleniku imaju **zasnovanu proizvodnju povrća**;
- Imaju plastenike ili staklenike minimalne površine **500 m²**;
- Da je visina konstrukcije (svih lukova) na najvišem dijelu minimalno 2 m u odnosu na okolno zemljište;
- Pojedinačni plastenici čija je površina manja od 50m² neće se uzimati u obzir za obračun;
- Da su plastenici metalne konstrukcije sa folijom, zatvoreni sa čeonih strana i montiranim vratima za ulazak/izlazak;
- Plastenici trebaju da su locirani na jednom mjestu;
- Da je podnosilac zahtjeva vlasnik parcele ili je član zajedničkog domaćinstva sa vlasnikom predmetne parcele.

Za ostvarivanje prava na podršku od **5 KM/m²** - za korisnike koji su registrovani za **samostalnu poljoprivrednu djelatnost-osnovna djelatnost (fizička lica)**, korisnik kantonalnom ministarstvu dostavlja slijedeću dokumentaciju:

1. **Obrazac zahtjeva, taksiran sa 3KM kantonalne administrativne takse;**
2. **Uvjerenje nadležne općinske službe da stranka trenutno obavlja samostalnu; poljoprivrednu djelatnost (proizvodnja povrća u plastenicima/staklenicima) – (original ili ovjerena kopija);**
3. **Potvrda o registraciji samostalne poljoprivredne djelatnosti-osnovna djelatnost (Rješenje nadležne općinske službe) – neovjerena kopija ;**
4. **ID broja iz porezne uprave – fotokopija (neovjerena);**
5. **Uvjerenje porezne uprave da stranka nema prispjelih a neizmirenih obaveza – (original ili ovjerena kopija) (ne starije od 30 dana)**
6. **Potvrdu banke o otvorenom računu za samostalnu poljoprivrednu djelatnost – (original ili ovjerena kopija);**
7. **Kopija katastarskog plana sa označenom parcelom (skica – ne starija od šest mjeseci);**
8. **Potvrda o upisu u Registar poljoprivrednih gazdinstava i Registar klijenata od općinske službe prema sjedištu (pravna lica);**
9. **Posjedovni list – ne stariji od šest mjeseci – (original ili ovjerena kopija)**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu – (original ili ovjerena kopija)**
 - **U slučaju da je vlasnik zemljišta umro, podnosi se i rješenje o nasljeđivanju – (ovjerena kopija)**

Korisnici koji nisu registrovani za samostalnu poljoprivrednu djelatnost i pravna lica

Pravo na ostvarivanje podrške mogu ostvariti aplikanti koji ispunjavaju slijedeće uslove:

- U plateniku ili stakleniku imaju **zasnovanu proizvodnju povrća;**
- Imaju platenike ili staklenike minimalne površine **400 m²**;
- Da je visina konstrukcije (svih lukova) na najvišem dijelu minimalno 2 m u odnosu na okolno zemljište;
- Pojedinačni platenici čija je površina manja od 50m² neće se uzimati u obzir za obračun;
- Da su platenici metalne konstrukcije sa folijom, zatvoreni sa čeonih strana i montiranim vratima za ulazak/izlazak;
- Da je podnosilac zahtjeva vlasnik parcele na kojoj se nalazi proizvodnja, ili je član zajedničkog domaćinstva sa vlasnikom predmetne parcele.
- Da su pravna lica vlasnici zemljišta ili imaju pravo služnosti nad istim

Potrebna dokumentacija za ostvarivanje poticaja

Za ostvarivanje prava na podršku od **2 KM/m²** (za korisnike koji nisu registrovani za **samostalnu poljoprivrednu djelatnost i pravna lica**) korisnik kantonalnom ministarstvu dostavlja slijedeću dokumentaciju:

1. **Obrazac zahtjeva, taksiran sa 3KM kantonalne administrativne takse;**

2. **Uvjerenje porezne uprave da stranka nema prispjelih a neizmirenih obaveza ne starije od 30 dana;**
3. **Potvrdu banke o otvorenom računu;**
4. **Kopija katastarskog plana sa označenom parcelom (skica – ne starija od šest mjeseci);**
5. **Potvrda o upisu u Registar poljoprivrednih gazdinstava i Registar clijenata od općinske službe prema sjedištu (pravna lica);**
6. **Posjedovni list – ne stariji od šest mjeseci**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu**
 - **U slučaju da je vlasnik zemljišta umro, podnosi se i ovjereno rješenje o nasljeđivanju**

IV

PROIZVODNJA AMERIČKE BOROVNICE I ARONIJE

Podršku za proizvodnju borovnice i aronije mogu ostvariti proizvođači čije se parcele nalaze na području Zeničko-dobojskog kantona i imaju sklopljen ugovor sa otkupljivačem/prerađivačem na području FBiH.

Podrška za proizvođače borovnice i aronije iznosi 0,50 KM/kg.

Pravo na podršku mogu ostvariti fizička i pravna lica koja ispunjavaju slijedeće uslove:

- Imaju zasnovanu proizvodnju borovnice i aronije,
- Proizvodnja zasnovana na parcelama minimalne površine 0,2 hektara;
- Imaju Ugovor o plasmanu borovnice ili aronije sa prerađivačem/otkupljivačem,
- Posjeduju otpremnicu o predatoj količini borovnice i aronije od prerađivača/otkupljivača s kojim je sklopljen Ugovor.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3KM kantonalne administrativne takse;**
2. **Potvrda o upisu u Registar poljoprivrednih gazdinstava i Registar clijenata od općinske službe prema mjestu prebivališta (fizička lica) ili prema sjedištu (pravna lica);**
3. **Ovjerenu kopiju ugovora sa otkupljivačem/prerađivačem;**
4. **Dokaz o predatoj količini plodova (otpremnica ili paragon blok ili potvrdu od strane otkupljivača/prerađivača);**
5. **Potvrdu banke o otvorenom računu.**

V

PROIZVODNJA GLJIVA

Pravo na podršku imaju proizvođači gljiva šampinjona i bukovače koji su registrovani za navedenu djelatnost.

Iznos poticaja je **50 KM/t** nabavljenog supstrata za proizvodnju gljiva, što korisnik dokazuje računom o kupovini supstrata u 2013. godini.

Minimalna količina nabavljenog supstrata za poticaj je **10 tona**.

Potrebna dokumentacija za ostvarivanje poticaja.

Za ostvarivanje prava na podršku korisnik kantonalnom ministarstvu dostavlja u **originalu ili ovjerenj kopiji** slijedeću dokumentaciju:

- 1. Zahtjev taksiran sa 3 KM kantonalne administrativne takse;**
- 2. Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica);**
- 3. Dokument kojim potvrđuje da je registrovan za navedenu djelatnost;**
- 4. Porezne fakture o nabavci supstrata, član 107 Pravilnika o primjeni zakona o porezu na dodatu vrijednost („Službeni glasnik B iH“ broj 93/05);**
- 5. Za uvezeni supstrat dostavlja se uz račun i carinska deklaracija;**
- 6. Uvjerenje o izmirenim poreskim obavezama (ne starije od 30 dana);**
- 7. Zapisnik PSS-a o proizvodnom kapacitetu;**
- 8. Potvrdu banke o otvorenom računu.**

Poljoprivredna stručna služba će uvidom na terenu sačiniti zapisnik o kapacitetima za proizvodnju gljiva.

VI

ZASNIVANJE NOVIH ZASADA MALINE, KUPINE, BOROVNICE I ARONIJE

Podršku za zasnivanje zasada mogu ostvariti uzgajivači maline, kupine borovnice i aronije čije se parcele nalaze na području Zeničko-dobojskog kantona.

Podršku mogu ostvariti i proizvođači koji su zasad zasnovali na parceli pod ugovorom o zakupu zemljišta sklopljen najmanje na 10 godina. Iznos podrške je 3.000,00 KM/ha .

Pravo na ostvarivanje poticaja imaju kandidati koji ispunjavaju sljedeće uslove:

- najmanja površina koja se podržava je 0,1 ha zasada;
- maksimalna površina koja se podržava 0,5 ha zasada;
- vlasništvo/posjed parcele ili dokaz o pravu na korištenje zemljišta;
- obavili sadnju maline, kupinu, borovnicu ili aroniju;
- u zasadu provedene mjere osnovne obrade i održavanja zemljišta;
- sadni materijal certificiran u skladu sa Zakonom o sjemenu i sadnom materijalu poljoprivrednog bilja („Službene novine FBiH“, broj:25/04);
- minimalan broj zasađenih sadnica maline je 8.000(sorte Miker) - 12.000/hektaru(sorte Vilamet), kupine 2.500, a borovnice i aronije 2.000/hektaru;
- sadnja obavljena na parcelama minimalne površine 0,1 hektar;
- računi o nabavci sadnog materijala izdati u periodu od 15.10.2012 godine do 30.06.2013. godine.

Potrebna dokumentacija za ostvarivanje podrške

Za ostvarivanje prava na podršku korisnik kantonalnom ministarstvu dostavlja u **originalu ili ovjerenj kopiji** slijedeću dokumentaciju:

1. **Zahtjev, taksiran sa 3KM kantonalne administrativne takse;**
2. **Potvrda o upisu u Registar poljoprivrednih gazdinstava i Registar clijenata od općinske službe prema mjestu prebivališta (fizička lica) ili prema sjedištu (pravna lica);**
3. **Dokaz o vlasništvu/posjedu parcele: sa označenim prijavljenim k.č.**
 - **ZK izvadak i Posjedovni list (ne stariji od šest mjeseci) ili**
 - **Ugovor o zakupu/kupovini zemlje(ili rješenje o nasljeđivanju/poklonu sa ZK izvadkom i Posjedovnim listom**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu;**
4. **Uvjerenje o izmirenim poreskim obavezama-za pravne subjekte (ne starije od 30 dana);**
5. **Račun o nabavci sadnog materijala(ovjeren, na ime kupca);**
6. **Certifikati o kvalitetu i zdravstvenoj ispravnosti (ovjeren pečatom rasadnika);**
7. **4 različite fotografije zasada;**
8. **Potvrdu banke o otvorenom računu.**

Poljoprivredna stručna služba će metodom slučajnog uzorka obaviti uvid na terenu i zapisnički konstatovati činjenice o ispunjavanju uslova za ostvarivanje prava na novčanu podršku.

VII ZASNIVANJE NOVIH ZASADA VOĆA (VISOKOSTABLAŠICA)

Podršku za zasnivanje višegodišnjih zasada voća i vinograda mogu ostvariti uzgajivači voća i vinove loze čije se parcele nalaze na području Zeničko-dobojskog kantona.

Podršku mogu ostvariti i proizvođači koji su zasad voća i vinograda zasnovali na parceli pod ugovorom o zakupu zemljišta sklopljen najmanje na 20 godina.

Iznos podrške je 3.000,00 KM/ha za poluintenzivne zasade i 5.000,00 KM za intenzivne zasade voća i vinove loze površine od 0,2 do 0,5 hektar.

Pravo na ostvarivanje poticaja imaju kandidati koji ispunjavaju sljedeće uslove:

- najmanja površina koja se podržava je 0,2 ha zasada;
- maksimalna površina koja se podržava 0,5 ha zasada,
- vlasništvo/posjed parcele ili dokaz o pravu na korištenje zemljišta,
- obavili sadnju voća i vinove loze,
- u zasadu provedene mjere osnovne obrade i održavanja zemljišta,
- sadni materijal certificiran u skladu sa Zakonom o sjemenu i sadnom materijalu poljoprivrednog bilja („Službene novine FBiH“, broj:25/04),
- intenzivnost zasada u skladu sa kombinacijom podloga/sorta,
- podrška se odnosi na intenzivne zasade voćnih vrsta: šljiva, višnja, trešnja, breskva, kajsija, jabuka, kruška, lijeska i vinova loza,
- sadnja obavljena na parcelama minimalne površine 0,2 hektara
- računi o nabavci sadnog materijala izdati u periodu od 15.10.2012. godine do 30.06.2013. godine

Potrebna dokumentacija za ostvarivanje podrške

Za ostvarivanje prava na podršku korisnik kantonalnom ministarstvu dostavlja u **originalu ili ovjerenj kopiji** slijedeću dokumentaciju:

1. **Zahtjev, taksiran sa 3KM kantonalne administrativne takse;**
2. **Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica);**
3. **Dokaz o vlasništvu/posjedu nad parcelom: sa označenim prijavljenim k.č.**
 - **ZK izvadak i Posjedovni list (ne stariji od šest mjeseci) ili**
 - **Ugovor o zakupu/kupovini zemlje ili rješenje o nasljeđivanju/poklonu sa ZK izvadkom i Posjedovnim listom**
 - **Ukoliko podnosilac zahtjeva živi u zajedničkom domaćinstvu sa vlasnikom zemljišta podnosilac uz zahtjev dostavlja i kućnu listu;**
4. **Uvjerenje o izmirenim poreskim obavezama-za pravna lica (ne starije od 30 dana);**
5. **Račun o nabavci sadnog materijala (ovjeren, na ime kupca);**
6. **Certifikati o kvalitetu i zdravstvenoj ispravnosti (ovjeren pečatom rasadnika);**
7. **4 različite fotografije zasada;**
8. **Potvrdu banke o otvorenom računu;**
9. **minimalan broj zasađenih sadnica:**
 - **poluintenzivni zasadi: jabuke 1.000/ha, kruške 1.000/ha, šljive 500/ha, trešnja 500/ha, višnje 1.200/ha, breskve 500/ha, kajsije 500/ha i lijeska 500/ha,**
 - **intenzivni zasadi: jabuke 2.000/ha, kruške 1.500/ha, šljive 1.000/ha, trešnja 700/ha, višnje 1.500/ha, breskve 700/ha, kajsije 700/ha i lijeska 700/ha.**

Poljoprivredna stručna služba će metodom slučajnog uzorka obaviti uvid na terenu i zapisnički konstatovati činjenice o ispunjavanju uslova za ostvarivanje prava na novčanu podršku.

B/2 PODRŠKA OTKUPLJIVAČIMA

VIII

PODRŠKA OTKUPLJIVAČIMA ZA OTKUP SVJEŽEG KRAVLJEG MLIJEKA

Novčani poticaj za organizovani otkup svježeg mlijeka od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca.

Premija iznosi 0,02 KM/litru otkupljenog mlijeka na koju je ostvarena premija za mlijeko iz budžeta Federacije Bosne i Hercegovine.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenj kopiji** slijedeću dokumentaciju:

1. **Ugovor sa prerađivačem**
2. **Kopiju rješenja o registraciji za navedenu djelatnost**
3. **Kopiju dokumenta kojim se potvrđuje isporuka mlijeka prerađivaču**
4. **Uvjerenje o izmirenim poreskim obavezama za predhodnu godinu;**

5. **Potvrdu banke o otvorenom računu**
6. **Potvrda o upisu u Registar poljoprivrednih gazdinstava i Registar clijenata od općinske službe prema mjestu prebivališta (fizička lica) ili prema sjedištu (pravna lica);**

Napomena: Zahtjevi se predaju putem protokola Zeničko-dobojskog kantona za period od četiri kvartala i to: četvrti kvartal 2012. i prva tri kvartala 2013. godine.

IX

PODRŠKA OTKUPLJIVAČIMA SVJEŽEG VOĆA I POVRĆA

Novčana podrška za organizovani otkup voća i povrća od individualnih poljoprivrednih proizvođača sa područja Zeničko-dobojskog kantona.

Iznos podrške za otkup svježeg voća (jabuka, kruška, šljiva, višnje) i povrća (paprika, paradajz, krastavac-salatni) je **0,02 KM/kg** otkupljenog svježeg voća i povrća. Maksimalan iznos podrške po jednom subjektu iznosi **10.000 KM**.

Uvjeti koje mora ispuniti kandidat za novčanu podršku za otkup voća i/ili povrća:

- Da je registrovan za navedenu djelatnost;
- Ugovor sa kooperantima sa područja Zeničko-dobojskog kantona koji sadrži:
 - *Prezime i ime poljoprivrednog proizvođača;*
 - *Jedinstveni matični broj poljoprivrednog proizvođača;*
 - *Vrstu voća i/ili povrća za koju se ugovara otkup;*
- Potvrda o predanoj količini (sa imenima i prezimenima proizvođača, datumi predane količine i vrste voća i/ili povrća);
- Da ima adekvatan skladišni prostor u skladu sa vremenom zadržavanja otkupljenog voća i povrća , što će uvidom na terenu utvrditi poljoprivredna stručna služba.

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u **originalu ili ovjerenoj kopiji** slijedeću dokumentaciju:

1. **Zahtjev taksiran sa 3 KM kantonalne administrativne takse;**
2. **Potvrda o upisu u Registar poljoprivrednih gazdinstava i Registar clijenata od općinske službe prema mjestu prebivališta (fizička lica) ili prema sjedištu (pravna lica);**
3. **Kopiju Rješenja o registraciji za navedenu djelatnost**
4. **Tabelarni prikaz otkupljenih količina po vrstama voća i/ili povrća za svakog poljoprivrednog proizvođača zasebno**
5. **Tabelarni prikaz otkupljenih količina po vrstama voća i/ili povrća za sve poljoprivredne proizvođače**
6. **Ovjereni primjerak Otkupnog lista (ovjeren vlastitim pečatom);**
7. **Ugovor sa poljoprivrednim proizvođačem (original ili ovjerena kopija)**
8. **Uvjerenje o izmirenim poreskim obavezama-izuzev udruženja poljoprivrednika (ne starije od 30 dana).**
9. **Potvrdu banke o otvorenom računu**

X

PREMIJA OTKUPLJIVAČIMA NEKULTIVISANIH ŠUMSKIH PLODOVA, BOBIČASTOG VOĆA I NEKULTIVISANIH GLJIVA

Novčana podrška za otkup nekultivisanih šumskih plodova, bobičastog voća i nekultivisanih gljiva od sakupljača sa područja Zeničko-dobojskog kantona može se ostvariti za ugovorenu i izvezenu količinu za poznatog kupca.

Iznos podrške je 0,40 KM/kg, a minimalna količina za podršku je 50 tona.

Uvjeti koje mora ispuniti kandidat za novčanu podršku za otkup nekultivisanih šumskih plodova, bobičastog voća i nekultivisanih gljiva:

- Potvrda o predanoj količini;
- Dokaz o ostvarenom izvozu prijavljene količine;
- Da ima adekvatan skladišni prostor u skladu sa vremenom zadržavanja otkupljenog voća i povrća, što će uvidom na terenu utvrditi poljoprivredna stručna služba.
- Da je registrovan za navedenu djelatnost;

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u originalu ili ovjerenoj kopiji sljedeću dokumentaciju:

1. **Zahtjev taksiran sa 3 KM kantonalne administrativne takse;**
2. **Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica);**
3. **Kopiju Rješenja o registraciji za navedenu djelatnost;**
4. **Tabelarni prikaz sa imenima sakupljača i otkupljenih količina po vrstama(ovjeren vlastitim pečatom i potpisom);**
5. **Dokaz o ostvarenom izvozu (JCI, faktura);**
6. **Uvjerenje o izmirenim poreskim obavezama;**
7. **Potvrdu banke o otvorenom računu.**

XI

PODRŠKA OTKUPLJIVAČIMA JAGODIČASTOG VOĆA

Novčana podrška za organizovani otkup jagodičastog voća od individualnih poljoprivrednih proizvođača sa područja Zeničko-dobojskog kantona može se ostvariti za ugovoreni otkup za poznatog kupca.

Iznos podrške je 0,04 KM/kg otkupljenih nekultivisanih šumskih plodova, bobičastog voća i nekultivisanih gljiva, maksimalan iznos podrške po jednom subjektu iznosi 10.000 KM.

Uvjeti koje mora ispuniti kandidat za novčanu podršku za otkup jagodičastog voća:

- Potvrda o predanoj količini
- Da ima adekvatan skladišni prostor u skladu sa vremenom zadržavanja otkupljenog voća i povrća, što će uvidom na terenu utvrditi poljoprivredna stručna služba.
- Da je registrovan za navedenu djelatnost;

Potrebna dokumentacija za ostvarivanje poticaja

Za ostvarivanje prava na podršku korisnik kantonalnom ministarstvu dostavlja u originalu ili ovjerenoj kopiji slijedeću dokumentaciju:

8. **Zahtjev taksiran sa 3 KM kantonalne administrativne takse;**
9. **Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica);**
10. **Kopiju Rješenja o registraciji za navedenu djelatnost**
11. **Tabelarni prikaz otkupljenih količina po vrstama voća i/ili povrća za svakog poljoprivrednog proizvođača zasebno**
12. **Tabelarni prikaz otkupljenih količina po vrstama voća i/ili povrća za sve poljoprivredne proizvođače;**
13. **Ovjereni primjerak Otkupnog lista (ovjeren vlastitim pečatom);**
14. **Ugovor sa poljoprivrednim proizvođačem (original ili ovjereni kopija)**
15. **Uvjerenje o izmirenim poreskim obavezama-izuzev udruženja poljoprivrednika (ne starije od 30 dana);**
16. **Potvrdu banke o otvorenom računu.**

C-KAPITALNA ULAGANJA

XII

PODRŠKA POLJOPRIVREDNIM PROIZVOĐAČIMA ZA INVESTICIJE U POLJOPRIVREDNOJ PROIZVODNJI U FUNKCIJI PROIZVODNJE HRANE NA PODRUČJU ZENIČKO-DOBOJSKOG KANTONA

Podržavaju se investicije u poljoprivrednoj proizvodnji u funkciji proizvodnje hrane na području Zeničko-dobojskog kantona i koje su prevashodno u ulozi stvaranja novih radnih mjesta na području ZDK.

U okviru odobrenih sredstava iz programa poticaja, prioritet se daje projektima iz kojih se nedvosmisleno vidi da su u funkciji otvaranja novih radnih mjesta. Ovim Upustvom se obezbjeđuje relativni odnos 75%:25% u korist realnih kapitalnih investicija, razvrstavanjem u dvije kategorije („A“ i „B“ lista).

Podrška je u iznosu do 25% vrijednosti investicije. Pravo na ostvarivanje podrške imaju kandidati za investicije u periodu od 01.03.2012. do 01.09.2013. godine. Kriteriji se ponaosob propisuju pod „A“ za aplikante koji dokazuju da imaju uredno prijavljenu radnu snagu i pod

„B“ za aplikante koji se bave proizvodnjom i preradom poljoprivrednih proizvoda kao kućnom radnošću ili dodatnom djelatnošću, ne isključujući da mogu imati i prijavljene radnike.

Aplikanti „A“ posebni uslovi:

- a) Dokaz o uredno prijavljenoj radnoj snazi – minimalno 30 zaposlenih;
- b) Ako se radi o postojećim preduzećima koje su u predviđenom periodu investirali ili doinvestirali, od ukupnog broja zaposlenih minimalno pet (5) radnika mora biti zaposleno u obuhvaćenom periodu (01.03.2012. - 01.09.2013. godine), a sve kao dokaz da je investicija pored ekonomskih razloga bila i u funkciji otvaranja novih radnih mjesta kako je predviđeno Programom;
- c) U cilju opravdanosti ulaganja aplikant mora dostaviti validne ugovore o plasmanu gotovih proizvoda;
- d) U cilju zaštite zdravlja ljudi i sigurnosti hrane aplikant mora priložiti i dokazu o posjedovanju HACCAP standarda (ako je isti predviđen za tu proizvodnju);
- e) Za mašine i prateću opremu aplikant dostavlja originalne račune (ili ovjerene kopije), a za iste koje su iz uvoza dodatno i carinske deklaracije;
- f) Za objekte i građevinske radove aplikant dostavlja procjenu, isključivo, ovlaštenog sudskog vještaka;
- g) Aplikanti koji su ostvarili ranije poticaj po osnovu kapitalnih ulaganja iz Budžeta ZDK neće biti uzeti u razmatranje.

Aplikanti „B“ ostvarenje podrške po zadatim vrstama:

1. Lica koja su kupila i instalirala nove platenike (minimalno 100 m²) i koji su od proizvođača sa područja ZDK – aplikant dostavlja originalne račune (ili ovjerene kopije) o kupovini platenika.
2. Subjekti koji su nabavili kvalitetnu savremenu opremu za preradu kozijeg i ovčijeg mlijeka, minimalno jedan (1) zaposlen – aplikant dostavlja dokumentaciju koja je sadržana uz prethodnu listu „A“ i to ono što je sadržano pod tačkama d, e i g.
3. Subjekti koji su uspostavili rasadničke kapacitete, upisani u Registar proizvođača poljoprivrednog sadnog materijala, minimalno pet (5) zaposlenih – aplikant dostavlja i dokumentaciju koja je sadržana uz prethodnu listu „A“ i to ono što je sadržano pod tačkama d, e, f i g.

Pored navedenog aplikanti su obavezni priložiti i slijedeću dokumentaciju za ostvarivanje poticaja:

Za ostvarivanje prava na podršku korisnik kantonalmom ministarstvu dostavlja u originalu ili ovjerenoj kopiji slijedeću dokumentaciju:

1. **Zahtjev taksiran sa 3KM kantonalne administrativne takse;**
2. **Potvrda o upisu u Registar poljoprivrednih gazdinstava i Registar klijenata od općinske službe prema mjestu prebivališta (fizička lica) ili prema sjedištu (pravna lica);**
3. **Uvjerenje o izmirenim poreskim obavezama (ne starije od 30 dana);**
4. **Potvrdu banke o otvorenom računu;**

Zahtjeve obrađuje (pregled kompletnosti i ispravnosti dokumentacije i zapisnik o zatečenom stanju na terenu) komisija koju formira Ministar Ministarstva za poljoprivredu, šumarstvo i vodoprivredu Zeničko-dobojskog kantona po usvajanju ovog Upustva.

D/ PODRŠKA PROJEKTIMA

XIII MEDIJSKO PREDSTAVLJANJE DOMAĆE POLJOPRIVREDNE PROIZVODNJE

Medijsko predstavljanje domaće poljoprivredne proizvodnje ima za svrhu upoznavanje poljoprivrednih proizvođača preko različitih štampanih i elektronskih medija, uključujući i internet, sa predviđenim poticajima za poljoprivrednu proizvodnju, te afirmativno predstavljanje mogućnosti razvoja poljoprivredne proizvodnje na području ZE-DO kantona kao i davanje drugih informacija vezanih za rad Ministarstva za poljoprivredu, šumarstvo i vodoprivredu Zeničko-dobojskog kantona.

XIV PODRŠKA RADU I AKTIVNOSTIMA ORGANIZACIJA POLJOPRIVREDNIKA

Ima za svrhu afirmisanje rada organizacija poljoprivrednika, kao i podršku radu i aktivnostima poljoprivrednih i veterinarskih udruženja, poljoprivrednih zadruga i zadružnih saveza s ciljem kvalitetnijeg organizovanja i boljeg pristupa informacijama poljoprivrednih proizvođača. Takođe, u sklopu ovih aktivnosti predviđeno je i sufinansiranje učešća na različitim privrednim manifestacijama iz oblasti poljoprivredne i prehrambene industrije - odlasci i izlaganje poljoprivrednih proizvođača na sajmovima i izložbama iz oblasti poljoprivredno-prehrambene proizvodnje i sl..

XV FINANSIRANJE MEDIJA, EDUKATIVNOG I PROPAGANDNOG MATERIJALA IZ OBLASTI POLJOPRIVREDE TE NABAVKE REPROMATERIJALA ZA IZVJEŠTAJNO-PROGNOSZNU SLUŽBU

Sa svrhom što efikasnijeg informisanja poljoprivrednih proizvođača o poticajima iz Programa poticaja, predstavljanja istaknutih poljoprivrednih subjekata sa područja ZE-DO kantona, štampanje letaka i brošura, nabavke repromaterijala za Izvještajno prognoznu službu (lovne klopke, feromoni i dr.) i slično.

E/REZERVA

Sredstva rezerve koristiti će se za hitne i nepredviđene zahtjeve koji se pojave tokom budžetske godine, o čijem utrošku će odluku donositi Ministar.

Ovo Uputstvo stupa na snagu danom objavljivanja na web stranici Zeničko-dobojskog kantona, a primjenjivat će se na poticaje poljoprivrednih proizvodnji za 2013. godinu, a primjenjivat će se od dana objavljivanja do 31.12.2013. godine.

XVI

Danom stupanja na snagu ovog Uputstva prestaje da važi Uputstvo broj: 05/24 -12641-1/12.

Broj: 05/24-23985/13

MINISTAR

Datum: 21.11.2013. godine

Bojan Bošnjak